



МОНГОЛ УЛС  
ГОВЬ-АЛТАЙ АЙМГИЙН  
ЗАСАГ ДАРГЫН  
ЗАХИРАМЖ

2021 оны 08 сарын 24 өдөр

Дугаар 1/379

Алтай хот

Г Хөдөө аж ахуйн салбарын  
өвөлжилтийн бэлтгэл хангах тухай Г

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, 29.1.3-ын "а" дахь заалт, Засгийн газрын 2021 оны Хөдөө аж ахуйн салбарын 2021-2022 оны өвөлжилт, хаваржилтын бэлтгэл хангах зарим арга хэмжээний тухай 221 дүгээр тогтоолыг тус ундэслэн ЗАХИРАМЖЛАХ нь:

1. Хөдөө аж ахуйн салбарын 2021-2022 оны өвөлжилтийн бэлтгэлийг хангуулах ажлын хэсгийн бүрэлдэхүүнийг хавсралтаар баталсугай.

2. Сум бүр хөдөө аж ахуйн өвөлжилтийн бэлтгэлийг хангах ажлын хэсэг байгуулж, өвс, тэжээлийн аюулгүйн нөөцөө бүрдүүлж, бэлчээрийн даацаа тохируулан мал сургийг эдийн засгийн эргэлтэд оруулах зэргээр 2021-2022 оны өвөлжилт, хаваржилтын бэлтгэл ажлыг хангах төлөвлөгөөг гаргаж сумын иргэдийн Төлөөлөгчдийн Хурлын Тэргүүлэгчдээр хэлэлцүүлэн батлуулж ажиллахыг сумын Засаг дарга нарт даалгасугай.

3. Хөдөө аж ахуйн өвөлжилтийн бэлтгэлийг хангах аймгийн нэгдсэн төлөвлөгөөг хэрэгжүүлэх ажлыг холбогдох агентлаг, сумын удирдлагуудтай хамтран зохион байгуулж, мэргэжил арга зүйн зөвлөгөөгөөр хангах, хэрэгжилтэд хяналт тавьж, шаардлагатай арга хэмжээг авч ажиллахыг сум, багийн Засаг дарга нар, Хүнс, хөдөө аж ахуйн газар (Л.Насанбуян)-т тус тус үүрэг болгосугай.

4. Аймгийн аюулгүйн нөөцөд өвс 150 тонноос доошгүй, тэжээл 100 тонноос доошгүй, сумын аюулгүйн нөөцөд өвс 100 тонноос доошгүй, тэжээл 30 тонноос доошгүйг 10 дугаар сарын 15-ны дотор бэлтгэн шаардлагатай газруудад байршуулахыг сумдын Засаг дарга, Хүнс, хөдөө аж ахуйн газар (Л.Насанбуян), Онцгой байдлын газар (З.Баттулга)-т тус тус үүрэг болгосугай.

5. Хөдөө аж ахуйн өвөлжилтийн бэлтгэл ажлыг сайтар хангуулж, дунг 10 дугаар сарын 20-ны дотор аймгийн Засаг даргын зөвлөлд танилцуулахыг ажлын хэсгийн ахлагч (Г.Чинбат)-д үүрэг болгосугай.

ЗАСАГ ДАРГА

О.АМГАЛАНБААТАР

Аймгийн Засаг даргын 20<sup>11</sup> оны  
08 дугаар сарын 14 өдрийн 08 дугаар  
захирамжийн хавсралт

ХӨДӨӨ АЖ АХУЙН САЛБАРЫН ӨВӨЛЖИЛТИЙН БЭЛТГЭЛ  
ХАНГУУЛАХ АЖЛЫН ХЭСГИЙН БҮРЭЛДЭХҮҮН

Ажлын хэсгийн ахлагч:  
Гишүүд:

- Г.Чинбат -(Аймгийн Засаг даргын орлогч)  
Ж.Мөнхцэцэг -(Хөрөнгө оруулалт, хөгжлийн бодлого  
төлөвлөлтийн хэлтсийн даргын албан  
үүргийг түр орлон гүйцэтгэгч)  
З.Баттулга -(Онцгой байдлын газрын дарга)  
Г.Лхагважаргал-(Эрүүл мэндийн газрын даргын албан  
үүргийг түр орлон гүйцэтгэгч)  
Д.Наянбуу -(Мал эмнэлгийн газрын дарга)  
Н.Сумъяабазар-(Мэргэжлийн хяналтын газрын даргын  
албан үүргийг түр орлон гүйцэтгэгч)  
Г.Болдбаатар -(Байгаль орчин, аялал жуулчлалын  
газрын даргын албан үүргийг түр  
орлон гүйцэтгэгч)  
Н.Алтантуяа -(Ус цаг уур, орчны шинжилгээний  
төвийн дарга)  
Л.Насанбуян -(Хүнс, хөдөө аж ахуйн газрын даргын  
албан үүргийг түр орлон гүйцэтгэгч)

Нарийн бичгийн дарга:

—ооо—